



魏子敬遺集卷之三

嘉善魏學沂子敬甫著

門人錢繼章爾斐甫較

七言古詩 長短歌行

訊京師歸客

昨夜足拳三尺鐵、長安馬上髯如雪、忽聞人從長安來、披衣不待柴門開、紫裘半醉別燕市、家君可有家書裁、吾知書中不得意、小鳳霜折搏風翅、客囊羞澁布袍單、紅簽逐套平安字、寫時鴈渡湘江水、到時水

落芙蓉死。便令歷歷道分明。往事蚤隔三千里。天長日短歸不歸。愁心亂逐孤蓬飛。

作客東門行

悼衡兒作

作客東門歸。舍中稚子牽衣嬉。行行去去遶膝不相離。阿耶抱兒兒不願。啗果與餌兒甞嬉。母傍耶開側扉去。舍中稚子呱呱啼。啼出大門啼入室。幃四望弗見伏泣不能止。一日不歸三日兒病五日死。兒欲耶抱耶怒起。耶欲抱兒兒死矣。人生亦徒自苦惡用爾爾。亂曰荒郊漠漠白骨一。何離離不知吾兒何處悲。

且啼

日晚歌

日垂暮兮閒眺下庭階。今遲遲攬秋芳兮可愛。撫黃菊兮彼陂枝。扶疎兮瀟灑。紛英英兮陸離。菊逢我兮暇日。我逢菊兮茂時。澹相對兮愈好。茲逍遙兮無期。

月娟娟兮初生。日淡淡兮餘曛。當茲辰兮有懷。倚柴門兮永眺。彼漁父兮何爲。支兩膝兮垂釣。夕陽盡兮忘歸。臨清流兮自照。襲芳草兮相盼。余與子兮同調。欲有言兮無辭。覽前林兮微笑。

賦得客帳夢封侯

燕山飛騎白如練羽林夜詔趨金殿宮粧武妓唱鏡
歌甲光雪照銀花片材官小臣拜稽首肘後銅符金
壓鈕丈夫此舉不足奇虎頭燕頤蚤有之會須萬里
築鯨鯢忽然牕角射明月布幃斜掛猩紅血

壽葉繩毅先生

秋月皎皎秋風高綺筵笑語心陶陶畫簾輕捲衆羅
拜琉璃琥珀浮葡萄勿用起舞翻鸞翻勿用雜管聲
嘈嘈袖中有詩調頗勁須令子晉吹洞簫吹徹仙家

柳枝曲笑紋幾折紅瓊瑤再吹先生考槃樂先生聞
之轉嗚噓黃髮鬢鬢白晝長手中但持銀不落閒拈
棋子記觥籌常時失數添杯酌簷外晴雲劈絮輕偶
然目送渾忘卻入秋逸興更遄飛年年勝事供林壑
紫螯繡鐵汾湖蟹黃脂凍玉汾湖雀兒郎團坐共醅
陶乳下孫孩解嘲謔醲醲春釀送來頻量勝不嫌觴
政虐微醲就枕夢于于朱願忽解眉忽舒陶家徒有
五男子但覓梨栗無詩書眼前列坐斌斌者對之不
飲當何如伯也有孫頭角異仲也筆落鮮霞膩叔也

崎想劈天荒季也夙辨凌風翅更兼小阮躍竒姿春
波瀲灩秋風媚酒觴墨壘較雄雌一家旂幟分行次
長離蜿蜿采毛長將飛未飛聲啾鱗龍門萬仞古桐
碧百鳥不敢相詡翮上有神鵠翩翩翔頰覽九土知
園方衝颺一舉造旬始仰吸沆瀣儲餽糗黃鵠高飛
青鳳語身輕儼逐朝雲舉回首平生春復春艷風幾
度桃花雨安期贈棗棗如瓜銀宮多少同心侶自出
三山仙曆深折鐺石髓留誰煮野渚優游盡室閒道
顏瀟灑仍如許倚杖門前秫稻香東家鷄酒西家黍

綠楊深底纜漁舟斜光村落歸樵去武陵源裏避秦
人料得當年僅能爾數竿紅日照窗紗未梳短髮杯
先至金掌何須覆玉漿趁流挹取方壺水醉鄉原接
大蓬萊自來中聖長如此甕頭沙洛富如澠黑甜半
晌重醺起一日小飲一百杯百日小飲盈萬杯從今
大飲三千載酒波喧沸如奔雷坐看桑田變滄海糟
丘酒池相轉廻

贈程子長

愈也具五窮颺也具五窮子長之窮參有之子長之

窮將無窮子長工作字筆尖常帶鍾王意子長善苦
吟藻思雜俎曩與今子長陡然逸興劇五指拂拂寫
竹石老藤天矯挺長虬仰看青天僅盈尺子長子長
何多奇觀者咄咄爭嗟咨郭生風鳶亦儘好那能調
合富家兒自畫自題更自咏饑時飽看徒爾爲黥雲
慘淡酸風急葛巾吹折當窗立五侯七貴漫相邀字
爛袖中終不入熟朋作伴到門前肘後推之轉羞澁
窮人着處逢途窮竭來住我東城東浮圖插天孤影
直鐵隼摩厲穿長空幽澗有泉自清泚竈烟寂寂聽

晨鐘牀頭秬米并日涸安望斗酒酣新豐當今國風
殊偏仄覓一蕩子不可得濃人不入裘馬場淡人不
受煙霞癖閉門數箸析秋毫縱能好書不好客滿堂
盡是慙貧人誰能一畫療貧策安得彌天僻壤皆齊
梁十里一置田孟嘗又安得孟嘗筵前各置郭有道
不至誤列君鷄鳴狗盜傍吁嗟乎爲君作歌抒中腸
曲終拍絕空徬徨

醉歌

君不必解鷓鴣之裘繫酒船君不必金貂換酒買醉

眠唐家李白酒謫仙酒腸屈注通酒泉我今三行五
行已陶然酒氣拂拂五指尖浸汝白髮三千丈寫我
狂歌三百篇橫塗倒抹風雨顛筆絲誤落成龍髯舉
頭怪石蹲我前離奇詰訕飛苔錢日光搖搖幾千樹
白雲萬里吞青天吾將騎鯨上上崑崙嶺粗布衲子
拖蒼烟瀛洲方丈幾拳石鞭虬斃兔非人間戲搏羊
角神翻翻淡空平碧春水船道逢子晉頰玉顏妖鬟
垂霧墮金鈿雲宮路落銀河邊側聽雪浪潺潺道可
受不可傳青鳳莫流連白鵠飛上天穀城黃石鄴城

黑醉中一笑同千年

有客

有客有客何亭亭翩翩辭我出我庭舉頭視日日未
暮行行重行還復停槃桓斯須故人好匪有遺說相
丁寧城西渡頭獨歸去垂條萬縷江天青

寄人

西風峭急愁雲結鎮日閉門春事劣幾回竚旭射窗
紗褰簾又詫紅梅折年年二月亂花香今年尚墮前
年雪柴扉蕭索客來稀劇譚誰伴玲瓏舌步兵習嬾

凌沉酣文園。耽句成消渴。常聞外靜難。內寧隨身小。
病何須絕。忽然長嘯盼吳鉤。離奇病骨非雄桀。平生
壯志勒燕然。會須踏碎千山月。丈人劉覽古人齊。間
通弘景岐黃說。奚奴松下曬書回。連雲剪藥清泉冽。
石鐺曾否煮金櫻。相詒乞在蒲觴節。

○九日同巖知章澹如兄弟遊茶磨山和周頤和
詩叟

竭來松陵叩好友。到門恰值九月九。主人大笑携上
船。船頭載花腹載酒。舟子勸上姑蘇臺。衆客首肯我

獨否。青山只作名句觀。耳目熟爛妍亦醜。但問誰家
富脩竹。我船便纜堤上柳。布帆直指吳山麓。石路犖
确爭猿猱。日脚射頰赤汗泚。偃曲不啻肩重負。詩翁
却携乳下兒。七十又五健趨走。山僧烹茗餉梨栗。柿
如火紅大如缶。紙鳴漸覺寒飈生。起覽奇蹟竟何有。
稻香未老農暫息。羅拜大士集村叟。奔上絕頂瞰湖
光。帽欹花落風生肘。洞庭縹緲波雲沉。彷彿頑沙臥
千畝。夢想晴濤匹練飛。此來未足舒窈糾。臨行爆竹
響空谷。青煙一縷千峰吼。細雨斜侵溼布袍。放船倒

出蓮花溲木蘭短檝浪痕輕隨風容與烟波藪上方
樹杪插浮圖金山小寺江心陡濃濃嵐氣醒復醉遠
山百簇頻回首治平前度磨盤山朱旭炯炯光照牖
隔林笑指碧噴噎共約聽歌到初酉驟觀山石勢頗
仄愁無平壤安盃觔斯須簫管咽流雲參差滿地胭
脂厚吳王臺沼舊風流至今士女皆琅琇邈迤妖雲
十二峰鏗鏘艷曲三千部當時爭看碧油車畫船別
駐清雞口蘆花隱見舞涼風中有美人垂素手縞衫
紅襯水仙粧鈎簾遙睇偏淹久笙歌隊裏浪相猜伊

人莫是羅家婦拂衣獨起步山趾夕陽晚晚清颼颼
長春橋影鞭虹霓老石粼粼水瀏瀏忽然迴望聽歌
處五色爛熳恣踐蹂爛如彩帛剪續紛亂灑石間雜
瓊玖又如粉塑絕鮮明寸人豆馬芬相耦促坐但聞
絲竹聲遙瞻奇麗渾莫剖應知余昔點中間黑衣亦
作玄雲黝眼前聲色春花穠縱復病嬾亦抖擻同來
伴侶大叫絕私喜茲權良不苟暮靄幕幕山欲無挽
衣不行煩勸誘餘響鏗然落翠微曷若趁此含清占
譁呼跳船船欲崩急索巨蟹浮大斗五柳先生淡如

菊隨俗爾爾亦其偶。強哦古句半已殘。蕉葉半已傾。
瓦甌酒甘不厭觴。令酷衆人或辭我。輒受推窗更問。
曠與晴。皎月若出當坐守。有客不語只沉思。畫船還。
傍蘆花不笑爾癡癡。一日歡。逝梁久矣猶思筍。石湖。
湖泮撼船底。倩此萬頃洗塵垢。迺知佳節遊名山。須。
避佳節參前後。矍鑠老翁詩興劇。明朝獨去登虎阜。

五言律詩

茅簷雜詩

只在塵寰內。居然徑獨迂。此君疎類我。石丈老於儒。

候雨迎鳩婦。栽花薤鼠姑。客來深自憫。知有濁

醪無

吾廬何所托。芳草蓼花西。幻豈漁郎路。悠然樵父谿。

落英行處拾。佳句半無題。莎徑時來往。苔深茆

屋低

獨坐不知夕。時聞棲鳥騰。閒情懷應物。淡語憶淵明。

近惜隣家棹。前移柳下曾。道逢田父返。相話荳

花棚

來往曾何意。偏於淡處親。山光疑舊夢。花影屬分身。

曠眼侵雲脚。沉思傍水濆。平生最相識。強半別

朝人

孰謂貧多暇。箋詩更解玄。業隨當代後。癡到古人前。

瓶滿陶潛粟。囊餘杜甫錢。願奢誰過此。老我只丹鉛。

幽徑

焉得無人徑。圖書雜鳥魚。蕉花釀雨露。桐葉譜居諸。
舊伴携孤宦。新書掛蹇驢。睠茲渾欲舞。身履定何如。

春晴

短袷狎輕風。簷牙映日紅。水流殘雪外。家住鳥聲中。
柳怯顏宜笑。梅歌韻特工。故人春倍好。應訪百花叢。

散愁 二首

冬意絕蕭瑟。樓頭日日陰。愆期雪不至。無厭雨偏淫。
展恨頻看史。凝愁獨擁衾。自知人性後。惆悵到今心。

得意固無伴。愁來誰可商。未呼桀溺隱。且學牧皮狂。
枘鑿從千態。牢騷付九章。漸疑蓬戶內。亦不復黃唐。

大人奉使代藩期逝未返以詩紀懷 十首

日日還家日。如何日日違。西風嘶羸騎。朔雪點征衣。
官路程難定。歸途信自稀。百方聊懈解。心事亂雲飛。

期在仲冬末。過期猶遠遊。檢圖稽馬邑。指日計蘇州。
客路南來近。離思北向愁。中途遇良友。倘此為淹留。

薄宦本無味。徒牽離索情。覲顏知捧玉。納手豈懷冰。
古驛聽嚴鼓。黃昏對短檠。何時卸塵鞵。團坐話東征。

馬首苦風霜遙知憶故鄉日高墻角煖釀熟甕頭香
歲暮情相昵初歸味倍長如何困修阻勞我別離腸
歲晚天風急啾啾細鳥繁夕陽下歸路危葉集頽垣
感物思千縷抒懷詩數言征車應不遠閣筆倚柴門
持錢晨入市欲往問君平霜落聞歸計水深尚遠征
對人多解譬併我不分明試看三吳分何時反使
漫說宦遊好那知作客難晨昏惟逐伴童僕共盤桓
旅病難形字家書數自看不堪離別况漸欲憎安長
再將家報讀十月發京師破惑真無計寬愁但有著

始憑書限日今恃筮爲期北鴈南來盡歸帆莫更遲
外孫新學語試問祖歸不對我每微笑不言頻點頭
經旬皆恨別半晌暫忘憂嬰慧偏多驗門前望客
匪我關心極其如期逝何日偏歸路短愁與客程多
穉弟幾回望親朋數遍過度來應只尺尊酒共婆娑

七言律詩

秋興 凡八首

菊花當牖酒當簾楓樹當風動遠帘紅葉有詩追白
傳素秋無事獨陶潛十年夢境留天壤一夜溪聲到

草簷。此日登高賦秋興。歸來蘆畔月纖纖。

相對柴門月欲芽。秋風吹徹舞衣斜。閑披晉帖裁新
葉。倦枕韋詩數落花。不向暮園憐蕙蒨。每逢流水憶
蒹葭。浩歌獨擬滄浪去。蓼蕊蘆枝別一家。

天高逐處可徜徉。日日優游日日忙。瘦菊倚風同客
笑。短篁搖影共人長。舊疑西蜀詩無律。近信東臯醉
有鄉。薄暮凭闌清眺迥。水清雲白淡秋裝。

秋氣孤清秋思閒。出門跬步屬塵寰。藏身未得名山
勝。避俗獨來秋樹間。聞道古人携鶴去。也應今日放
歌還。幽懷不盡凌波興。且抱漁竿水一灣。

日出看山日入回。道逢曲徑更徘徊。啾啾細翮攢枯
木。裊裊游絲下絳苔。野菊偶開秋色裏。奚兒莫報主
人陪。茶鐺好逐漁郎返。蕩漾高歌歸去來。

片帆斜入荻花洲。笑指西谿話舊遊。曲水樓前留我
在。遠雲生處有人不。村翁來往逢歸徑。稚子踟躕上
釣舟。茲日幾山同眺望。登臨遙憶洞庭秋。

何日青錢買釣磯。秋江短櫂任飛飛。好呼巢父爲隣
右。或伴堯夫上翠微。芒屨每逢佳石住。布袍常拂暮

烟歸翛然此意誰能畫晴浪無聲落葉稀
一夕西風到畫欄芙蓉消瘦不禁寒身無同調人應
笑坐有新詩眼倦看逐伴未能忘袒裼閉門聊自慶
衣冠晚來斗酒長吟處月小天高白露溥

簡錢彥林謀阻唐宜之金陵之行

野航去住渾難定似向鍾陵烟雨中鳳老何天尋竹
實雁棲隨地傍孤篷浮蹤三宿伊無戀幽緒千層我
較濃半里梅花勞夢想况堪山水隔重重

送唐汧父入四安山

汧父先生久作隣未知汧父是何人茶鑪時畜長生
火藥裹常隨不病身短袴獨鋤三尺圃角巾留掛十
年塵刺船忽向千峰去何處烟波着釣綸

家書

時事紛紛不可詰孤忠耿耿徒離憂國人爭憤柙中
兕之子却憐堂下牛黃髮廿年浪引領青山萬古仍
含羞彈章三上纍膽落夙志不遂差堪酬

盡言上苑多芳草數去誰者蕙與蘭素性恰並鷗社
狎人間何意蠶叢難天生一副巖林骨羸作數年冷

淡官稚子候門日已久，老人歸來且加餐。

前重九一日送宜之之金陵

不堪寥落對秋風，來日登高若箇同。雲臥杳沉深谷裏，月明還想小橋東。謾言交味禪中淡，偶觸愁腸格外濃。別淚欲彈聊復已，無端飛出笑聲中。

楓林霜落暮烟青，手折芙蓉贈遠征。擬買野舸重話別，恐臨岐路轉傷情。片帆習習從今去，萬壑深深何處行。悔我追隨羸一載，誤將文字友先生。

把手西風各悵然，強憑壯語破纏綿。莫言對酒多新恨，譬不逢君自舊年。此去好行秋色裏，相思半在晚林前。醉中分袂休回首，日上梧桐放客船。

戲題家塾

好葺柴關早下帷，貧家父子習毛詩。傳經邀得康成在，訂字須關叔重知。茆屋主人恒菜色，葦門好味只園葵。先生莫漫歌長鋏，花老春深歸去遲。

歸鴉 八首

肅肅歸鳥帶夕陽，蕭條寒色上垂楊。遙空潑墨侵雲亂，樹杪浮青瀉影長。數畝荒烟山寺白，半竿殘照短

墻黃。故園擇木知何處。客路聞啼秋思涼。

日落鐘鳴霜樹紅。悲鴉作隊逐西風。萍踪散亂投青
靄。野陣糊塗布遠空。歸路依稀官柳外。人家黯淡暮
煙中。黃昏漸到枝頭寂。露脚斜侵古木叢。

日暮煙生五柳村。飛鴉陣陣晚來喧。西風峭急迷歸
浦。冷月荒涼憶舊園。老樹半枝留遠夢。枯藤千尺踏
霜痕。歲寒蹤跡元如此。雨宿冰餐不足論。

觸眼淒淒惹夢思。特憐鳥鳥下來遲。憑將暮色雲千
里。借得青天月一枝。桐井不堪荒白影。柳堤非復淡

黃時。倦飛語澁聲難譯。應是長林歸去辭。

城外林光照水清。城頭擊柝子烏鳴。危枝半折棲難
穩。片葉孤飛夢屢驚。風雪終宵羈客况。煙霞作伴故
人情。寒砧敲碎三更月。黑影參差荇藻明。

天高木落萬林衰。古栢啼烏忽滿枝。可是墓田喧野
鵲。依稀漁艇着鷗鷗。移株苦削風霜片。顧羽時飛煙
雨絲。到處有山皆可托。徬徨遊子暮何之。

歸鳥嗚嗚傍晚回。暮林蕭瑟百徘徊。孤飛覓伴聲偏
急。緩調無腔意更哀。秦女停梭無限恨。何郎困獄可

憐才夜闌似譜鳥栖曲。月白星稀冷畫臺。
擬將秃筆露槎枒。一掃寒林百隻鴉。啞啞悲聲淒月
色。蒼蒼疎影綴霜花。橫鋪亂簇難成字。冷水孤村着
處家。枝盡露濃清夜永。漸看簷角起朝霞。

五言排律

呈范陽鹿太公一百韻

赴難趨燕市。潛身向范陽。日斜懷劇孟。風古遘羲皇。
跂德投村塢。涓心拜草堂。道顏函渾噩。高誼薄穹蒼。
諒直衷無滓。端凝動有坊。格言森築雙。朴性愛農桑。

俊傑尊冰鑑。鄉氓敬彥方。典刑黃髮備。碩望白眉良。
燁煜精神湛。綿延福祉昌。使君當日政。吳國到今揚。
封事傳金匱。遺碑匹汜鄉。烏衣矜世胄。白恰故寒裝。
韻叶芝蘭靜。門流荇藻香。愉容齊醴醑。正骨賤膏粱。
霈澤中爲滙。鴻波衍愈長。赤駒噴汗血。紫燕曳晶光。
介節驚闐闐。英雄震廟廊。叩階爭內帑。仗劔出危疆。
齒嚼謀逾厲。髯掀氣自昂。彎弧殲地貳。橋矢射天狼。
猛志匡中葉。雄心蓋大荒。參雲鋌棘白。照日旆旌黃。
痛飲犁胡穴。歡歌入建章。此心靡敢懈。多事許多襄。

翁本千尋幹、堅同百鍊剛。詒書休念父、努力只勤王。
日月銷兵氣、欃槍墮夜芒。平生交砥淬、忠孝勉劬
鵬。鶚無凡鷲、長離又獨翔。奇文卑藻績、寶色炫琳琅。
萬國推冠冕、千羣憚頡頏。異才輝燁赫、王父憺徜徉。
熾盛追攸始、逡巡謝弗當。蔣瓜循別墅、占黍候方塘。
藹藹祗如舊、源源方未央。曾孫肩逝亞、穎質壁成行。
跨竹寧馨子、擎書窈窕郎。探懷尋棗栗、得餌問餒餒。
倚膝身何軟、牽鬚吻欲張。互嘲頻咄咄、逸去更洋洋。
樂趣茲爲極、愁端總可忘。健軀兼矍鑠、砂磧恣趨蹌。

騁馬恒辭鐙、關弓不避強。豎標真迥俗、作戲亦逢塲。
疎奕隨清簟、高謳侑巨觥。東遊期泰岱、南眺夢蘇杭。
卓犖談名勝、飛揚羨裹糧。繇來垂宦橐、一意事田庄。
負雪靈椿勅、臨風玉樹芳。旁觀咸色動、語次却神傷。
自嘆衰頽日、常依慈母傍。視蔭催食至、撫背訊衣涼。
母子互相察、晨昏習以常。弄孩紛蹀躞、怡老巧相羊。
五世驩焉聚、百齡穩可望。潘輿俄息駕、陶幕奄空房。
境熟疑猶在、悲來悟已亡。含辛收拄杖、拄淚對匡牀。
聲咽堪酸鼻、余聞更斷腸。蒿憂誰罔極、冀策詎爲瘍。

惟事憑空降、吾親胥世歿、觸邪師、薦角、搆甌、起貂璫、
緹騎奔騰出、檻車竭、蹙忙、隻身羈、狂狴、酷暑困、桁楊、
大命危于綫、嚴威灼若湯、九天終、靳露、六月決、飛霜、
生子庸如犬、窮途狀似獐、脚疲空、躑躅、背爛只、徬徨、
慈訓潛相怵、戎心惜莫量、破巢憂、殄滅、廣柳速、逃藏、
草字模糊半、愁腸次第詳、南行情、怛怛、北望涕、浪浪、
兒已尋安宅、爺誰送水漿、無人與我信、有眼總如盲、
魂蕩渾難繫、形枯迫欲僵、人生徒、縮胸、適死亦、羞惶、
長者興憐憫、高言發慨慷、輿情爭、忿忿、天道豈、茫茫、

共諒身如璧、何愁舌有簧、螫深今且散、氛盡轉成祥、
解絆馳騖裏、開籠放鳳凰、千年虛射塔、七日莫依墻、
死孝從無濟、艱貞刻自將、孫嵩欣寓趙、張祿怯逢穰、
逕僻稀行旅、簾開得左廂、拯危情激烈、排患語鏗鏘、
幕雀人爭鄙、池魚衆屢防、丈夫別有異、長笑謂何妨、
架帙紛紛啓、園葵款款嘗、暫行呼廐馬、重到授衾囊、
見我纏淒楚、更端引悅康、銘恩何可報、拊臆不勝惶、
老父娛家巷、先生泛野航、斯言誠獲踐、小子劇能狂、
濁酒乘新舸、輕帆掛短檣、遍穿薜荔洞、亂舞芰荷裳、

事過驚疑伏、時平志氣颺、浩歌推下里、苦調帶秋商、
燕叟英雄槩、吳山艷冶粧、啞然供一笑、跪進介眉觴、
六言排律

題茅簷

幾度移居陋巷、茲來倍笑污窪、短檻蝸涎屈曲、頽簷
蝨篆槎枒、門許故人題、鳥壁容稚弟、塗鴉飲酒誰共
一斗、讀書差羨五車、春月懷人薜荔、秋風吹夢蒹葭、
無榻堪留孺子、有蔬頗類茅家、霜後老農餉蟹、雨前
詩客携茶、矮菊浸浸、彭澤盆荷小小、若耶未得山棲

聊爾、倘云市隱非邪、

五言絕句

乙卯秋大人有文安之行送至京口大人用楊

柳青青渡水人為韻賦七絕以別敬步原韻

奔流去不息、離愁方未央、江南望江北、烟裏見

垂楊

平時不解歡、臨別思聚首、無計繫征帆、傷心道

柳傍

波白連天遠、登高傷客情、來朝芻馬處、西北暮

雲青

分手經年別、難教離恨輕、秋鞭如可整、燕草尚

餘青

時序屬春深、世序屬歲暮、相將了蠹編、同訪桃

花渡

渺渺萬里濤、風疾亂帆駛、惆悵對金焦、愁心滿水江、
歲歲飢驅出、慣於童僕親、幸聞帝都近、頻有往人來

舟行

雲沉波影暗、寺古鳥聲集、平疇三尺青、風披見筥、
野眺曠無際、潑空雲萬重、無心閒點染、港口出漁翁

野眺

天地亦奇艷、縱橫桃李花、人聲響寥廓、雲影渡家村

七言絕句

宿荻秋庵水閣

夜半溪聲到枕邊、數行哀雁落青天、依稀酒醒殘楊
岸、冷月秋風繫小船

斜枕殘書秋水邊、數椽如欲傍青天、黎明驚喚斜塘
去、隔浦漁家盡放船



